

KALENDARIVM PERPETVVM.

In anno bisextili mensis Febrvrius est dierum 29, et Festum S. Matthie celebratur die 25 Febrvarii, ac Festum S. Gabrielis a Virg. perdolente die 28 Febrvarii, et bis dicitur Sexto Kalendas, id est die 24 et die 25; et littera Dominicalis, quæ assumpta fuit in mense Januario, mutatur in præcedentem ut, si in Januario littera Dominicalis fuerit A, mutetur in præcedentem, quæ est g, etc., littera f bis servit 24 et 25.

Oratio ante Divinum Officium.

Aperi, Dómine, os meum ad benedicéndum nomen sanctum tuum : munda quoque cor meum ab ómnibus vanis, perversis et aliénis cogitatiónibus; intelléctum illúmina, afféctum inflámma, ut digne, attén-te ac devóte hoc Offícium recitáre váleam, et exaudíri mérear ante conspéctum divínæ Majestátis tuæ. Per Christum Dóminum nostrum. *℟.* Amen.

Dómine, in unióne illús divínæ intentiónis, qua ipse in terris laudes Deo persolvísti, has tibi Horas [*vel* hanc tibi Horam] persólvo.

Oratio post Divinum Officium

Sacrosánctæ et indivíduæ Trinitáti, crucifíxi Dómini nostri Jesu Christi humanitáti, beatíssimæ et gloriosíssimæ sempérque Vírginis Mariæ foecúndæ integritáti, et ómnium Sanctórum universitáti sit sempitérna laus, honor, virtus et glória ab omni creatúra, nobisque remissio ómnium peccatórum, per infinita sácula sæculórum. *℟.* Amen.

ψ. Beáta víscera Mariæ Vírginis, quæ portavérunt ætéрни Pátris Fílium.

℟. Et beáta úbera, quæ lactavérunt Christum Dóminum.

Pater noster et Ave María.

Ante Matutinum et omnes Horas, præterquam ad Completorium, dicitur secreto Pater noster et Ave María. In principio Matutini ac Primæ, et in fine Completorium, dicitur etiam Credo in Deum.

Pater noster, qui es in cælis. Sanctificétur nomen tuum. Advéniat regnum tuum. Fiat volúntas tua, sicut in cælo et in terra. Panem nostrum quotidíanum da nobis hódie. Et dimítte nobis débíta nostra, sicut et nos dimítimus debitóribus nostris. Et ne nos indúcas in tentatióem: Sed líbera nos a malo.

Ave María, grátia plena; Dóminus tecum: benedícta tu in muliéribus, et benedíctus fructus ventris tui, Jesus. Sancta María, Mater Dei, ora pro nobis peccatóribus nunc et in hora mortis nostræ. Amen.

Credo in Deum, Patrem omnipoténtem, Creatórem cæli et terræ. Et in Jesum Christum, Fílium ejus únicum, Dóminum nostrum: qui concéptus est de Spíritu Sancto, natus ex Mariá Vírgine: passus sub Póntio Piláto, crucifíxus, mórtuus, et sepúltus: descendit ad íferos: tértia die resurrexit a mórtuis: ascéndit ad cælos, sedet ad déxteram Dei Patris omnipoténtis: inde ventúrus est judicáre vivos et mórtuos. Credo in Spíritum Sanctum, sanctam Ecclesiám catholicam, sanctórum communióem, remissióem peccatórum, camis resurrectiόem, vitam ætérrnam. Amen.